



## ERINDISBRÉF UMHVERFISNEFNDAR

### I. Kafli Umboð og hlutverk

#### 1. gr.

Umhverfisnefnd Rangárþings ytra er skipuð af sveitarstjórn Rangárþings ytra og fer hún í umboði sveitarstjórnar með þau umhverfismál sem henni eru falin eins og nánar er kveðið á um í erindisbréfi þessu.

#### 2. gr.

Umhverfisnefnd Rangárþings ytra er skipuð fimm fulltrúum og jafn mörgum til vara. Kjörtímabil fulltrúa miðast að jafnaði við kosningar til sveitarstjórnar nema sveitarstjórn ákveði annað. Að jafnaði kys sveitarstjórn formann nefndarinnar í upphafi kjörtímabils eða síðar ákveði sveitarstjórn það. Á fyrsta fundi nefndarinnar fer fram kjör varaformanns. Kjör þessara embætta getur endurnýjast síðar ef skipan nefndarinnar breytist eða ef aðrar breytingar verða.

#### 3. gr.

Hlutverk umhverfisnefndar er að fara með umhverfis-, gróðurverndar- og náttúruverndarmál samkvæmt þeim lögum og reglugerðum sem í gildi eru og að fylgja því eftir að framfylgt sé þeim þáttum á því sviði sem er hlutverk sveitarstjórna en ekki annarra að framfylgja. Umhverfisnefnd annast að auki þau verkefni sem henni eru falin af sveitarstjórninni sérstaklega hverju sinni á sviði umhverfismála.

#### 4. gr.

Umhverfisnefnd lítur eftir þeim svæðum sveitarfélagsins sem eru á náttúruminjasrá á samt friðlandi fugla, skógræktar- og landgræðslusvæðum, opnum svæðum og útivistarsvæðum, almennum leikvöllum og göngu- og hjóltreidastígum. Umhverfisnefnd stuðlar að merkingu og kynningu á náttúruminum svo og þeim stöðum öðrum sem hafa sérstakt útivistar- eða sögulegt gildi.

#### 5. gr.

Umhverfisnefnd veitir sveitarstjórn umsögn um svæðis-, aðal- og deiliskipulagstillögur eins og tilefni falla til hverju sinni á verkefnasviði nefndarinnar. Umhverfisnefnd skal á sama hátt fá til umsagnar áætlanir um verklegar framkvæmdir sem stofnað geta í hættu umhverfisþáttum sem sérstakt gildi hafa og er líklegt að hafi áhrif á náttúruna.

#### 6. gr.

Umhverfisnefnd skal eftir megni stuðla að fegrun sveitarfélagsins og snyrtilegri umgengni og leggja sérstaka áherslu á samstarf við félagasamtök, fyrirtæki og einstaklinga í því sambandi. Nefndin skal ár hvert veita viðurkenningu aðilum sem skarað hafa fram úr hvað varðar snyrtimennsku, falleg mannvirki eða á öðru sviði umhverfisverndar.

#### 7. gr.



Umhverfisnefnd skal hafa frumkvæði að eflingu endurvinnslu og sorpflokkunar og stuðla að fræðslu og kynningu á þeim málaflokkum fyrir íbúa sveitarfélagsins. Umhverfisnefnd skal stuðla að hverskyns kynningu og útgáfu fræðsluefnis til íbúa sveitarfélagsins, fyrirtækja og stofnana um þau umhverfismál sem eru á verksviði umhverfisnefndar.

## II. Kafli Starfsmenn, fundir og starfshættir

### 8. gr.

Skipulags- og byggingarfulltrúi Rangárbæingis ytra er starfsmaður nefndarinnar. Hann undirbýr og boðar fundi nefndarinnar í samráði við formann og annast ritun fundargerða, nema nefndin ákveði annað. Hann hefur málfrelsi og tillögurétt á fundum nefndarinnar. Skipulags- og byggingarfulltrúi sér um að framfylgja ákvörðunum nefndarinnar, eftir atvikum í samráði við sveitarstjóra og þegar sveitarstjórn hefur staðfest þær. Nefndin heldur fundi þegar verkefni liggja fyrir. Skylt er að boða til fundar ef meirihluti aðalmanna í umhverfisnefnd óskar þess.

### 9. gr.

Til fundar telst löglega boðað hafi allir nefndarmenn eða varamenn í forföllum aðalmanna svo og aðrir sem seturétt eiga á fundinum verið boðaðir með a.m.k. tveggja sólarhringa fyrirvara og þeim jafnframt greint frá dagskrá fundarins. Að jafnaði skal boðað til fundar með skriflegu fundarboði og því skal fylgja afrit þeirra erinda sem til umfjöllunar eru. Komi upp mál sem krefst skjótrar úrlausnar umhverfisnefndar getur fyrirvari um fundarboðun verið skemmri.

### 10. gr.

Umhverfisnefnd getur enga samþykkt eða ályktun gert nema meirihluti hennar sitji fund. Tillaga fellur á jöfnum atkvæðum. Ákvarðanir nefndarinnar taka formlega gildi við staðfestingu sveitarstjórnar.

### 11. gr.

Starfshættir nefndarinnar eru í samræmi við staðfestar samþykktir um stjórn sveitarfélagsins Rangárbæingis ytra. Rita skal fundargerðir nefndarinnar í sérstaka fundargerðarbók eða tölvuskra þær skv. reglum í samþykkt sveitarfélagsins um stjórn og fundarsköp. Í fundargerð skal skrá hvar og hvenær fundir eru haldnir og hvenær þeim er slitið. Allar tillögur sem fram eru bornar skulu skráðar svo og samþykktir og ályktanir umhverfisnefndar og skulu allir viðstaddir undirrita fundargerðina.

## IV. Kafli Gildistaka

### 12. gr.

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnarsýslulögum nr. 37/1993 og



Erindisbréf nefnda Rangárbíngs ytra – Kjörtímabilið 2014-2018

samþykkt um stjórn og fundarsköp fyrir Rangárbíng ytra. **Erindisbréf þetta hefur verið samþykkt í sveitarstjórn Rangárbíngs ytra þann 9. desember 2015 og tekur þegar gildi.**